



## Stanovnici Dženneta imat će trg na kojem će se sastajati svakog petka

Od Enesa ibn Malika, radijallahu anhu, prenosi se da je Allahov Poslanik, sallallahu alejhi ve sellem, kazao: "Stanovnici Dženneta imat će trg na kojem će se sastajati svakog petka. Sjeverni vjetar puhati će im u lica i odjeću, čineći ih još ljepšima i otmjenijima. Kada se vrate porodicama, reći će im: 'Tako nam Allaha, još ste ljepši i otmjeniji!' 'I vi ste, Allaha nam, još ljepši i otmjeniji!', odgovorit će im oni."

[صحيح] [رواه مسلم]

Poslanik, sallallahu alejhi ve sellem, prenosi da u Džennetu postoji mjesto okupljanja njegovih stanovnika, gdje nema trgovine ni kupovine, već svako uzima ono što mu je potrebno. Na to mjesto dolaze svakih sedam dana i tada zapuhne sjeverni vjetar koji blago dodirne njihova lica i odjeću, zbog čega im se lica i izgled još više uljepšaju. Kada se vrate svojim porodicama, ukućani ih dočekaju govoreći: "Tako nam Allaha, još ste ljepši nego što ste bili kad ste otišli!" A oni im odgovaraju: "I vi ste, tako nam Allaha, još ljepši nego što ste bili!"

<https://www.sunnah.global/hadeeth/bs/show/8353>

